

FJALA E DEPUTETIT FLORENC SPAHO

E HENE 30 TETOR 2023

E nderuar zonja drejtuese e seancës,

Të nderuar kolegë,

Të dashur qytetarë,

Në fakt, ju vazhdoni me teatrin, kurse ne do të bëjmë detyrën që qytetarët na kanë besuar. Jo, zoti Bardhi, nuk do të vini këtu. Ti e ke marrë përgjigjen në Elbasan, kështu që nuk vjen dot këtu. Mos bëj gabim të vish këtu! Rri aty ku je! Unë do të flas për dy çështje shumë të rëndësishme, që shqetësojnë të gjithë shoqërinë, por që, në fakt, juve nuk ju kanë shqetësuar kur keni drejtuar: shëndetësinë dhe arsimin. Ne e kemi treguar çfarë kemi bërë për shëndetësinë. Kemi ndërtuar 300 qendra shëndetësore, duke përfshirë edhe periudhën e Covid-it. Gjithashtu, kemi rikonstruktuar shkolla dhe ndërtuar shkolla të reja. Të mos bëjë gabim njeri të vijë këtu, as zoti Bardhi, as zoti Flamur Noka! Përgjigjen e keni marrë të dy në Elbasan, ndaj mos bëni gabim të na hiqni të drejtën e fjalës për qytetarët që na kanë besuar! Je keni bërë zero investime për shëndetësinë, që kur keni pasur kryeministër një mjek, i cili ka dashur të mbyllë spitalet infektive. Gjithashtu, gjatë periudhës së Covid-ti, përveçse keni ndjellë zi, nuk keni bërë asgjë tjetër. Ajo që unë dua të them sot për banorët e mrekullueshëm të lagjeve “Dyli Haxhire”, Labinot-Mal dhe Labinot-Fushë, është detyra që po bëjnë mjekët e këtyre qendrave shëndetësore, duke qëndruar pararojë për çdo qytetar, i cili i beson shëndetin. Ata po bëjnë detyrën, ashtu siç duhet ta bëni edhe ju si opozitarë. Ju duhet të rrini urtë, të dëgjoni, kurse ne duhet të flasim për hallet e popullit, të tregojmë si duhet t’u përkushtoheni qytetarëve dhe në fund fare të bëni atë që ju nuk doni dhe nuk dini ta bëni kurrë. Kjo nuk është fusha e blertë ku ju mund të luani. Fusha e blertë ku ju mund të luani është te qytetarët, ku ju duhet të kërkonte besimin, sepse keni vite që e keni humbur.

Faleminderit!